

Perlu bersedia hadapi cabaran dan persaingan dunia luar – Tan Sri Peter Chin Fah Kui

Oleh: Noor Eszereen Juferi



BINTULU, 2 Nov – Graduan perlu bersedia menghadapi cabaran dan persaingan dunia luar serta mengembangkan kemahiran insaniah untuk terus kekal relevan dalam dunia kerjaya sejajar dengan keadaan semasa yang kini.

Pro Canselor Universiti Putra Malaysia (UPM), Tan Sri Peter Chin Fah Kui berkata graduan perlu teruskan usaha untuk mengembangkan dan kemahiran ini sepanjang perjalanan kerjaya mereka.

“Para graduan perlu menjadi individu yang fleksibel, sentiasa ingin belajar kerana majikan masa kini bukan sekadar memerlukan kepakaran teknikal malah kemahiran antaranya komunikasi yang berkesan, kerja berpasukan, dan keupayaan menyelesaikan masalah secara kreatif turut menjadi elemen penting dalam kerjaya,” katanya.

Beliau juga berharap agar para graduan terus berusaha gigih, memegang teguh kepada prinsip integriti dan sentiasa menunjukkan disiplin dalam apa jua yang diceburi.

“Kerjaya anda bukan sahaja akan menentukan masa depan anda tetapi juga memberi impak kepada keluarga, komuniti, dan negara. Pendidikan yang berkualiti adalah tonggak penting dalam pembangunan negara serta memacu kemajuan masyarakat,” katanya.

Selain itu, Tan Sri Peter Chin yakin dengan perancangan dan pelaksanaan Pelan Kerangka Hala Tuju Strategik UPM (True North) yang diilhamkan oleh Naib Canselor UPM, Dato’ Profesor Dr. Ahmad Farhan Mohd Sadullah akan memberikan impak yang positif kepada kepada Pembangunan dan Agenda Universiti.

“Pelan ini akan menjadi panduan utama dalam membentuk masa depan UPM termasuk Kampus di Sarawak serta memperkukuhkan kedudukan universiti sebagai pusat kecemerlangan dalam penyelidikan dan pendidikan serta mengukuhkan hubungan strategik dengan kerajaan negeri dan sektor industri di Sarawak,” katanya.

Dalam pada itu, Majlis Konvokesyen UPM ke-48 kali ketiga ini juga merupakan kali pertama Tan Sri Peter Chin menyempurnakan Majlis Konvokesyen UPM Sidang 1 di Universiti Putra Malaysia Kampus Bintulu setelah dilantik pada 18 Oktober lalu.

Seramai 473 graduan menerima ijazah dan diploma masing-masing pada Majlis Konvokesyen UPM ke-48 Sidang 1 di Universiti Putra Malaysia Kampus Bintulu (UPMKB) pada 2 November 2023 (Sabtu) dan 3 November 2024 (Ahad).

Pada sidang itu, beliau menyampaikan Ijazah Doktor Falsafah (Ph.D) seramai 2, Ijazah Sarjana (Master) seramai 9, Bacelor (122) dan Diploma (340) pelbagai program pengajian.

Berita Lain...



UPM anjur Program Profesionalisme dan Penghayatan Rukun Negara perkasa jati diri pelajar

[Baca lagi »](#)



UPM kaji peranan bahasa dalam membangun kepercayaan awam terhadap dasar keterjaminan...

[Baca lagi »](#)



Pertanian Bandar Hubungkan Komuniti, Teknologi dan Kelestarian Alam

[Baca lagi »](#)



Pakar getah antarabangsa kongsi hala tuju industri getah mampan di Putra Plantation Forum 15

[Baca lagi »](#)



UPM Raih Naib Johan Anugerah Tenaga ASEAN 2025

[Baca lagi »](#)



Program Mobiliti Outbound Perkukuh Jalinan UPM–UNHAS

[Baca lagi »](#)

Arkib Berita

Terkini

Tahun

2025

2024

2023

2022

2021

2020

2019

2018

2017



Universiti Putra Malaysia

43400 UPM Serdang

Selangor Darul Ehsan

Malaysia

+603-9769 1000

pspk@upm.edu.my

Media

Berita

Artikel

Video

Keratan Akhbar

Dokumen

Hubungi Kami

Maklum Balas

Lain-Lain

UPM Holdings

Nombor Plat UPM

Give to UPM

Tender dan Kontrak

Kementerian Pendidikan Tinggi

UPM AI HUB



[Disclaimer](#) [Privacy and Security Policy](#) [Copyright](#) [Help](#)

© 2023 Universiti Putra Malaysia